

時曰好即正衣冠就寢而化年一百二十有六高宗調露二年贈太中大夫謚昇真先生天后嗣聖加贈前號時稱玉法主云贊曰  
翩翩鳳儀覽德不遲或隱或來素運有期質化神通不滯玄白百廿六歲唐仙宗伯

茅山志卷之十

茅山志卷之十

上清嗣宗師劉大彬造

龍十

上清品

十一代宗師上清檢校仙公唐國師太中大夫謚體玄先生姓潘諱師正字子真貝州宗城人父寘隋通州刺史母魯氏善言名理口授以道德經母卒廬墓以孝聞大業中有道士劉愛道者見而奇之曰三清之驥非爾誰乘之時王法主為煬帝所尊禮每入禁中躬薦松水以祈福愛道曰吾甚欲子相從然成就功道非法主不可由是師事法主同還茅山一日謂先生曰嵩陽迺汝修真之地當亟往無疑先生遂入雙泉中嶺間居十許年復深入道遙谷邀與世絕上元三年高宗幸東都禮嵩嶽召見先生請作符書辭不解又問山中所須答曰茂松清泉臣之所須此中不乏帝異之調露初再祀高帝廼幸道遙谷見薛荔繩床將朽敗餘無火粒之具唯兩瓢貯青餼飯耳因即其地勅建崇唐觀明年春又以步輦致先生於洛城西宮仍勅改嵩陽觀

為奉天宮每手詔具弟子姓名告白自是乘輿屢陟山阿帝在洛陽復召對及請還御製詩以送先生嘗謂弟子曰吾實無用接見帝王驚擾靈嶽汝等學道不厭深眇則無累疾永淳元年六月十四日素沐浴書符置湯中曰終身淨也時造石室於北巖下將成十六日遽云去去弟子韓文禮問何去曰泰山檢校功德語畢雲氣覆度須臾解蛻年九十八天后降制若曰去年冬晚軒皇之駕不追今歲秋初廣成之居又寂聖曆二年立碑嵩山贊曰

絕世之資皆思友之仙緣有定敢靡以私茂松清泉亦復何須冥心合真樂出太虛十二代宗師上清玄初仙公唐國師銀青光祿大夫謚貞一先生姓司馬諱承禎一名子微字道隱世居溫晉彭城王權之後襄陽二州長史仁最之子生而能言天錫神表年二十師體玄於嵩陽受金根上經三洞隱書嘗有鳥如鳳凰下集香几爪痕著几成書文曰東華上清真人由是益神其行玄宗異之遣

使微聘勅王屋山置陽臺觀以居一日感天帝召遂來山禮謁華陽洞天因撰貞白碑陰記師以王屋小有之天總真之府景氣幽敏神祇會昌吾道苟行莫足不可翻飛投足有終焉之志復於觀之朝維高丘之午窮極絕

界得中巖臺上直天壇下繚長阜巨木圓抱鳴溪中流每養龍大谷相鶴中峯燎金洞之衆香吸石窓之鮮氣有日矣著坐忘論及撰修真秘旨十二篇為隱居真訣之副師且慮帝恩深久遂徙居天台王霄峯以期沖舉又勅建桐栢觀其地請師五體書道德經開元

乙亥歲六月十八日忽謂近侍曰吾已受職玄都不復得住廼部署封檢若將遠適這暮有赤雲縹繞摩地而來雲上簫聲泠然衆咸駭異謂必上升遠度戶而已蛻形矣玄宗御製碑在桐栢頂贊曰

至神合虛應物無迹強名坐忘銷爾塵質高風華林旭日丹臺蓬海無師歸求天台十三代宗師上清真人唐國師正議大夫玄靜先生姓李諱含光廣陵江都人本姓弘避

則天諱易馬家世業儒父孝威號貞隱先生精黃老之術神龍初師以清行度為道士居龍興觀開元十七年從司馬先生於王屋山一見目之曰真玉清之客也居嵩陽二十餘年司馬僊游玄宗召詣闕與語歎曰吾見含

光知司馬真人猶然在世一日問及金鼎對曰道德公也輕舉公中之私耳若忽道德而求生拘欲則似擊風玄宗深感異之詔居陽臺觀歲餘稱疾乞還句曲基修經法天寶四年十二月命中使齋置書徵之既至館於禁

中每欲咨稟必先齋沐請傳道法辭以疾不能強而止再求還山廼特勅揚許故宅紫陽觀以居之御製詩箴別又禁山中採捕漁獵食葷血者不得入時經詰真蹟已多散逸師奉詔搜訪備得寶書進上之又詔山人王啟

請師楷書上經十三紙以補遺闕七年三月十八日玄宗幸三洞經錄于大同殿遙禮度師賜號玄靜先生法衣一襲以伸師資之禮詔刻石華陽洞宮以志之繼兩徵詣闕旋皆請老而還為國修齋數感甘露靈芝之瑞大

曆四年己酉十一月十四日解蛻于紫陽之別院年八十有七以左玄大夫贈正議大夫贊曰

公私之辯至道名言徒說弗從頌頌主恩上經十三妙補遺闕來著刻銘無愧稱絕十四代宗師上清仙伯大洞真元先生姓韋諱景昭丹陽延陵人具司空慎十六代孫精究儒術而不肯取科名獨慕神仙之學初度

于延陵之尋真觀師事包士榮士榮師崇玄觀包法整法整師包方廣方廣師王執軌之師昇真王法主也惟習靈寶經法後居長安肅明觀至天寶中奉詔侍玄靜先生歸茅山勅建紫陽觀居焉大曆初受玄靜經錄正傳肅代以來天下喪亂師獨以道為己任貞元

元年十一月癸卯召門弟子曰吾昨見仙官持勅書召任上清仙伯不復住世矣來何為喜去何為悲汝等體之母或哀泣時年九十二而化贊曰

神馮虛生至靈為寶世塵紛揚獨靜以保時成返空我知其歸來無所欣去無所悲

十五代宗師洞真先生姓黃諱洞元南嶽人早游華陽與玄靜先生為師受行中黃服日之法後入武陵住桃源觀有瞿童子名栢庭自辰溪來師事甚謹一日獨游歸語師曰桃源中有水洞花木紛繁洞室周緣澗中

多五色石童子得一石狀如龜引之首尾俱動師藏經笈中旬餘失所在異日約俱往水溢溪洞迷不知處大曆八年癸丑夏五月梅童子辭師曰後當於句曲相見明年師徙居廬山紫霄峯凡十載復來山下泊宮日誦

大洞經嗣真宗師之學又八載瞿童子者至師適曳杖有出栢庭亦不留及歸聞姓名大駭遂易服焚香望空拜伏久之凝立而化舉體唯空衣耳德宗嘆異贈先生號壽九十五

贊曰 瞻日得道其知甚真栢庭之來桃源始春石龜五色首動尾應忽然亡之妙極玄微

十六代宗師明玄先生姓孫諱智清不知何許人在襍祿時畏聞腥羶及解事唯進以酒辭家入山師洞真先生大和六年為山門威

儀七年奏請重禁採捕四時祭祀威絕牲牢奉勅書立石紫陽觀李衛公尊師之嘗有詩贈武宗會昌元年召修生神齋勅建九層寶壇行道因賜號焉解化時衆見風雨中有大魚金鱗玉鬚師乘之凌大峯而上未詳歲月

贊曰 食味養形食氣養神鼎俎傷生忍而害仁我貴食母無假于外瞻儀有感豈識其會

十七代宗師唐國師希微先生姓吳諱法通潤州丹陽人有文學試舉子業不利來山明玄先生度為道士盡授經法踰年明玄化形風雨中師大悟解傳宗乾符二年遣使受大洞籙遂尊稱為度師賜先生號天祐四載年八十三預知世行有變潛入巖洞不知所往

贊曰 世之將危智者去之而彼真人慨然興悲深處巖洞流潤千里動植遂生風雨時至

今日聰明一年特生光慧十年開仙道矣師迺作吟泉吟又曰吾有玉經妙旨子若欲華歸實可以混合天人離情理識由是再拜執弟子禮得其道居紫陽觀二十年不踰戶闕華姥山一夕有童子歌曰靈苗長金刀響山中人數聞之慮有兵是年歲產黃芝經月枯悴師亦解真贊曰

龍章鳳書可制劫運藏之貴虛保之貴定全體皆用誰執其方欲窮所之弟子亡羊

十九代宗師真素先生姓王諱棲霞一名敬真字玄隱生於齊而長於魯七歲神童及第而仙才靈氣稟於自然天祐丁卯歲避亂南渡至于壽春從問政聶先生傳道法及來華陽又從威儀鄧君啓選受大洞經訣南唐烈祖方在賓門寔來作鎮召師至金陵館於玄

真觀聖曆中興恩禮殊重加金印紫綬號玄博大師表請還山詔不允又加貞素先生號復贈洞微元靜之稱係大元年壬子歲夏四月甲寅隱化于玄真春秋六十有二時錢二十萬奉冠劍歸葬雷平山徐鉉撰碑贊曰

贊曰 飄然出塵曰賢者能飲茅山泉一月當十倍

十八代宗師洞微元靜先生姓劉諱得常金陵人十七歲作大道歌見吳宗師觀其氣骨

贊曰 世之將危智者去之而彼真人慨然興悲深處巖洞流潤千里動植遂生風雨時至

飄然出塵曰賢者能飲茅山泉一月當十倍

贊曰 飄然出塵曰賢者能飲茅山泉一月當十倍



旭日未升眾星燦如江南之都依我仙墟  
 金印紫綬於我何有彼以為貴來斯順受  
 二十代宗師紫陽沖虛先生姓成諱延昭字  
 懷玉潤州金壇人氣稟純素不染塵俗初詣  
 紫陽觀王先生伏節為弟子宋開寶八年平  
 江南後刑部郎中知昇州楊克讓請師為茅  
 山威儀兼昇州道正未幾辭還紫陽舊居門  
 人受學甚眾淳化元年四月十四日無疾從  
 容觀化年七十九贊曰

域中之大唯王與道我以虛神彼以位實  
 華陽之傳其書孔多以佐時功陰陽大和  
 二十一代宗師洞虛先生姓蔣諱元吉字吉  
 甫號碧虛子常州義興人祖麟父器之貨藥  
 不二價為鄉里醇儒先生手標絕塵厭事生  
 壑作業讀書尤長於詩常白日致鶴飄飄有  
 霄舉之氣從沖虛先生應詔居京師久之同  
 運紫陽極論上清之學曰三洞玉書非子不  
 足付度師曰度文不度訣吾無望於師焉沖  
 虛曰度人不度文吾所望者子耳師既受度  
 人曰蔣氏世德之報哉奉揚大教屢有積祥

咸平改元三月以經籙授弟子萬保冲十五  
 日仙去贊曰

朝游寶林暮宿玉池微登所徵籙生涼颺  
 玄圃之英濯濯其羽我翔太清假爾飛舞  
 二十二代宗師冲素先生姓萬諱保冲字用

玄常州武進人幼失怙恃兄氏教撫之及長  
 議析業師曰吾無兄無有今日先人分業非  
 所願得寄迹黃冠足矣遂詣騰仙觀出家後  
 來禮洞虛壇下咸平元年始傳上道專善採  
 服日霞之法至九十二解蛻顏貌如童景德  
 間奉詔請禱大應靈書賜號退隱黑虎谷中  
 贊曰

赫陽吐芒赤水騰光引以神鼎灌以靈漿  
 千日道成潛躍自在盤桓玉童縞衣玄帶  
 二十三代宗師宋國師觀妙先生姓朱諱自

英字隱芝向曲阜朱陽里人生於太平興國元  
 年八九歲從牧兒郭千村能吹笛致鶴父母  
 以為不祥棄之迺從朱元吉著道士服時年  
 十二端拱之初也繼與明真張鍊師居積金  
 山頂試辟穀術人稍趨之遂思遠游至襄陽

遇異人陳鐵脚扶往青城山復過瀨鄉校辭  
 太清宮古藏經遇水星童子武抱一游河中  
 府行止神變景德元年嗣教年二十九四年  
 真宗遣使祈胤明年仁宗生事具宋史奉旨  
 住持玉清昭應宮山中勅建乾元天聖兩觀  
 賜號國師明肅太后傳大洞單法復賜號觀  
 妙先生還山得武抱一蜀中所寄書意警責  
 姓名顯耀暴露天機先生對之泣數行下第  
 子莫測也天聖七年十一月坐化手執符符  
 所賜玉如意流汗浹體額有凝珠尸解之上  
 法者世壽五十又三贊曰

赤子童真宿智冥得凌虛有音履水無迹  
 有道之朝煖如中春執玉捧金為時外臣  
 二十四代宗師通真明元先生姓毛諱奉恭  
 建康句容人嘗侍父入茅山天市壇遇黑虎  
 父終無所見先生迫視之虎拜其前觀妙宗  
 師聞而異之謂其父曰華陽之道在君之子  
 矣遂留山中師事親妙謹朴忠厚有長者風  
 結廬積金山慕隱居道靖之地居焉苦志在  
 於輕舉嘉祐八年十二月大雪中庵前不庫

驟花先生心異之少頃有道士劉混康者自常州泰和觀來先生感其誠懇且嘉瑞應一時授以經法未幾解化崇寧元年贈先生號贊曰

積金之陰其神孔威潛靈感符啓我仙扉  
兩扉闔開神生懸景丹光在林人識餘鼎  
二十五代宗師葆真觀妙沖和先生太中大  
夫謚靜一姓劉諱混康字混康一字志通晉  
陵人景祐二年乙亥十二月二日生十三歲  
從泰和觀湯舍象嘉祐五年試經為道士一  
夕夢神人告曰汝欲學仙當擇名山當世世  
無良師每靜夜登壇散髮焚香以天為宗已  
而聞華陽毛宗師有道德性依馬庵居積金山  
常有五色雲霧結為樓殿人異之一日有三  
羽士造其廬指庵之東隅謂師曰汝即此居  
抱神守中德惠及人當無愧前人也又顧師  
肩問曰此無作之地道之所尚不可有疑手  
為們之明日癡滅元祐元年哲宗后孟氏悞  
吞針猴中醫莫能出有司以高道聞召見師  
進服符嘔出針刺符上宮中神其事賜號洞

元通妙法師住持上清儲祥宮紹聖四年勅  
江寧府即所居潛神庵為元符觀別勅江寧  
府句容縣三茅山經籙宗壇與信州龍虎山  
臨江軍閻阜山三山鼎峙輔化皇圖徽宗加  
號元符萬寧宮賜九老仙都君玉印景震玉

榻具劔御製詩頌書賜予不能悉紀師累  
表災變上雖加歎而不能用其言屢召至闕  
大觀二年赴召出山羣鹿遮道師以意諭之  
一鹿觸車而斃瘞之道左先是所畜鶴聞召  
飛去師曰鶴去鹿斃吾無還期四月至京館  
于儲祥宮新作元符之別觀夜夢天帝召詰  
朝駕幸儲祥就見因進上所誦大洞經十七  
日臨午儵然解脫年七十二勅遣使護柩還  
山葬壘玉峯持詔建藏真觀為祠室云贊曰  
玉華蕩空金英散香羣仙啓關受契紫皇  
神明之區有相成道製真經傳天地同老  
二十六代宗師凝神殿侍宸守靜凝和法師  
冲隱先生姓筮諱澤之字清遠金陵人父得  
一好道術鄉里號達翁餘杭有杜道士者自  
匿其名嘗從翁游熙寧元年師將誕父夢杜

投其家心異之師幼與羣兒戲輒畫地為道  
家像父携之來山劉先生見而奇之曰是子  
他日人天師也師喜躍誓不復歸父亦欣然  
從之元祐間與俱入朝先生被旨住持上清  
儲祥宮以師歸主元符宮事崇寧四年賜法

師號兼領崇禧觀凡上恩興建土木與夫山  
門之請乞師備勞焉撰集科儀營救貧乏尤  
所敷意政和三年七月三日召門弟子曰吾  
今四十有六歲昔先生嘗授記以為過叨朝  
廷厚恩壽當不逾於此遂索筆書遺表盟沐  
更承泊然而逝表聞天子嗟悼詔贈冲隱先  
生爵及父母葬藏真觀之山入室弟子俞希  
隱徐希和希和得旨嗣傳印劔希隱入青城  
山今蜀人有聞洞法上道俞公之行化也師  
吳髯長身丰骨異俗每入見為上加賞云贊  
曰  
秋空塵消春洲冰泮美哉仙儀皇明所贊  
徒贊其儀弗究其道臨終之言帝王之要  
茅山志卷之十一